

'ի վերայ նորա սենեակ Լուսարարի , այլ Հայք ընդ դէմ կացեալ ետուն քակել և խափանել զայն ('ի 13 Դեկտեմբերի) : Անկարելի եղև բառնալ զատելութիւնս Յունաց որ և իցէ եղանակաւ , քանզի բանալի արտաքին դրան եկեղեցւոյն Բեթղէհէմի գոլով 'ի ձեռս նոցա , ըստ խորոթելոյ իւրեանց բանային և փակէին , և 'ի դալստեան ուխտաւորացն Հայոց հասուցանէին նոցա զպէսպէս ներութիւնս և հանէին աղմուկս : Իսկ փոխանորդ Աթոռոյն Երուսաղէմի Զաքարիա Եպիսկոպոս գրեաց զիր աղաչանաց առ Փոխարքայն Եգիպտոսի Մէհէմմէտ Ալի , եւ խնդրեաց 'ի նմանէ ըստ իրաւանց բաժանորդութեան , որ լեալ էր կայսերական հրովարտակաւ , տացի եւ մի բանալի դրան այնորիկ ազգին Հայոց . թէպէտ գրեաց նա առ Դատաւորն Երուսաղէմի քննել զիրոն , եթէ ստոյգ իցէ բաժանորդութիւնն Հայոց տեղւոյն այնորիկ՝ տացի և մի բանալի եւս նոցա , բայց այս հրաման նորին ոչ գործադրեցաւ , 1839 :

Հայք առին հրաման 'ի Փոխարքայէն Եգիպտոսի սակս ծեփելոյ զեկեղեցին Ս . Յակոբայ և շինելոյ զվերնատունն կանանց . թէպէտեւ լռեալ էին յայնժամ այլազգիք Երուսաղէմի և չհամարձակէին պահանջել ինչ , այլ 'ի զգուշութիւն ասպաղայ ժամանակի , խնդրեցին նաեւ հրովարտակ յԱրքայէ : Եւ Զաքարիա Եպիսկոպոս որ վերատեսուէն էր շինուածոց ('ի 1 Մայիսի) սկիզբն արար քակել զորմն եկեղեցւոյն և բանալ զմէջ կամարաց . ելին յորմոյ անտի մեծամեծ խաչքարք հայկական դրով , է' որ կանգուն և կէս բարձրութեամբ՝ և է' որ կիսով չափ նոցին , և 'ի կեդրոնի իւրաքանչիւրոց մխեալ հաստ բեւեռ սղնձեայ , 'ի նշան հին սովորութեան ազգին , որոց թուականն ոմանց 600 և ոմանց 602 թուին Հայոց :

Կիրակոս Եպիսկոպոս առաքեցաւ 'ի Յովսէփ ('ի 20 Յունիսի) որոշել զտեղի քառասնօրեայ զգուշութեան (քարանթին) 'ի պէտս ուխտաւորաց , որոշեցաւ տեղին պարտէզն Սեղբոս Ամիրայի , զոր կտակեալ էր Աթոռոյն , և հրամանաւ Փոխարքային Եգիպտոսի շինեցաւ տեղին ծախիւք Ս . Աթոռոյն (1835) : Շինեալ աւարտեցաւ վերնատունն մեծամեծ պատուհանօք եւ 2 պատարագամատոյց սեղանաւ 'ի վերայ դաւթի մեծի տաճարին Ս . Յակոբայ , ծեփեալ